

*Privatas suis Meditationes*

C A V S I S  
<sup>D E</sup>

# ARTHRITIDIS,

P R A E S E N T E D E O O. M.

P R A E S I D E

*Clarissimo & Excellentissimo Viro,*

D. JOHANN E A N T O N I D E  
V A N D E R L I N D E N ,

Medic. Doctore, ejusdemque, ut & Anatomes  
& Botanices Profess. P. in Academia  
Franekerana celeberrimo,

*Publicae censurae subjicit*

Respondens

N I C O L A U S V V I T T E Riganus Liv.

*Horis loceque solitu.*

O C I O N ΠΡΟΤΙΜΑΝ ΤΗΝ ΑΛΗΘΕΙΑΝ. *Arist.*



*FRANEKERÆ,*

Excudit Uldericus Balck, Illustr. Fris. Ord. eorum-  
demque Academæ Typographus. Anno 1647.

*V I R I S*  
*Clarissimis, Excellentissimis, Experientissimis,*  
*Doctissimisque*

**A N D R E Æ C N E U F F E L I O**, Med. D. Sereniss.  
Regis Poloniæ & Sueciæ W L A D I S L A I I V. Ar-  
chiatro fidelissimo,

**J O A N N I P E T R O L O T I C H I O**, Philologo,  
Historico, Poëtae Laureato, Doctori Medico, ante  
hac in Rintelana, & Marburgensi Academiis Prof.  
P. nunc Reip. Mœno-Francofurtensis Poliatro ce-  
leberrimo,

**J O A N N I L O S E L I O**, Phil. & Med. Doctori, &  
in Acad. Regiomontana Prof. P.

**J O A N N I S C H R O D E R O**, Med. Doct. & Pra-  
etico Mœno-Francofurtensi experientissimo,

**T H O M Æ G. F. B A R T H O L I N O**, Medic.  
Doctori clarissimo:

*VIRIS Item*  
*Doctissimis, præstantissimisque*

**H E N R I C O J A C. F. F A B R I C I O** Medic.  
Candid. dudum dignissimo,

**B A R T H O L O M Æ O S A R B R U G G E**, Chy-  
mico & Pictori excellentissimo:

*Fautoribus & amiciis suis maximis*

*hunc ingenii sui abortum*  
*sacrum esse voluit*

**A V C T O R - R E S P O N D E N S .**

## Praeloquium Disputationis

D E

## A R T H R I T I D E.

**I**n felices saepe Medicorum in hoc morbo curando conatus deridet Podagra, deflent aegroti. Hi suo damno, illa cum Medicorum dedecore. Hi obprobrium Medicis dicunt, illa dicitur. Meos vero in indaganda Arthritide conatus, non, credo, deflebunt, forsitan deridebunt tamen aliqui. Quin etiam obprobria pro laudibus in me congerent, quod ex Medicorum obprobrio laudem queram. His nihil aliud obpono, quam aetatis veniam & studium discendi: quorum hoc nulla allorum cavilla reculat, illa etiam excusat. Laudem ex Medicorum obprobrio nec spero, nec quero. Sat bene mecum agi arbitror, si mihi inde non laus, sed veniam saltim veniat, quam neque aequi rerum arbitrii denegabunt. Sed si scientiam inde quaeram, quis hoc male factum dicet, nisi malus? Scientiam dico, ex illimi ipsius Naturae fonte, non ex luctantis hujus vel illius Sectæ lacunis baustam, non impuro praeconceptarum opinionum coeno turbatam. Semper enim animus meus detestatus est illa maleferiata Sectarum nomina, dum hic se Galenico Hippocraticum, alter Hermetico-Paracelsicum jaicit. Sed ego illos suo relinqu genio. Ego meo obsecutus sum, quem non auctoritati, sed veritati mancipare volui, quae, ut est antiquissima, ita quoque ejus auctoritas omni aliorum auctoritate nobis antiquior esse deber. Simplice igitur, qui veritatem decet, stilo conceptus meos explicabo. Sed brevi quoque: nam mihi intra angulos disputatiunculae cancellos constituto non licet *τετραγωνοπεριμήδην*. Praemetit autem loco nos men ipsum Arthritidis, cum quoad Synonymiam, tum quoad Homonymiam, explicandum erit, ne in ignota silva oberremus. Postea ipsam rei arcem invademus.

### T H E S. I.



Arthritidus nomen suos Graeciae natales debet. Dicitur *ἄρθρος τῆς ἄρθρου*, ab articulo. Vnde Latinis dicitur Morbus articulatis, quem tamen communiter quoque Graeco nomine vocant. Et nonnullis, non quidem quoad vocem, sed quoad significacionem, barbare appellatur Gutta. Vnde Italus Gotta: Hispanus Gota: Gallus Goute: Anglis The Gout, ideo quod ille articulus infestus imber guttarum instar inlabatur: vel quod a guttarum saepius exhaustarum copia hoc malum oriatur. Quamquam non *άρθρος* Cidrius posset à Belg. Goote/ h.e, fusio, derivari. Germani vocant di Gichty. Belgis vocabulo ignoto & noto dicitur *Wleerctyn*. Barbaris Medicis Arthetica.

**II.** *Arthritidis non-nen ἀκυρολήγεται sumitur pro quocumque articulorum dolore,*  
à quacumq; etiam causa oriatur *Kugέas* pro tali articulorum dolore accepitur, qui  
à sero invenire excitatur, statu nascendi deinceps tempora habens. Hi articu-  
lorum dolores varia deinde nomina à locis adfectu sortiuntur. Qui in clavicularum  
juncturis est dolor, Cleisagra dicitur: Qui in manibus, Cheiragra: Qui in co-  
xendice, Ischias: Qui in genuibus, Gonagra. At omnium tam aegrototum quam  
Medicorum vocibus personat ille, qui à pedibus Polagra dicitur. tenerima Bacchi  
& Veneris filia. Vnde haec nonnumquam ιχθύος dicitur Arthritis, quoniam  
est omnium frequentissima, sicut Ischias saevisissima. Ceterorum articulorum dol-  
ribus nondum nomina imposuerunt Medicorum πάνδες, tum quoniam non sunt a-  
deo frequentes, tum quoniam à communi Arthritidis lege non dicuntur. Id oīnos  
quoque de Arthrite in genere agemus, quia una non differt ab altera causis &  
modo generationis, nisi tantum loco adfecto.

**III.** Quum aegroti nihil magis, quam dolorem incidunt: quum Medici nihil  
fere magis, quam illum, expellere nitantur, nos quoque primo omnium hanc immo-  
rem & crudelē feram in cubilibus suis indagabimus, quae se tum suis vestigiis,  
tum agrorum vocibus prodit. Primo autem causas, deinde subiectum doloris ar-  
thritici investigabimus.

**V.** Causa doloris non est alia, quam solutio continui. In Arthritide  
solvitur continuum, vel partium circa articulos sensibilium punctione &  
vellicacione: vel earundem distensione. Illa fit à salis cum sero advecli a-  
crimonia: haec à seri influentia copia.

**V.** Partes à salis acrimonia pungi & vellicari, non arbitror operosa  
probatione indigere. Experientia certe testatur, omnia corrodentia ex sale saliniſq;  
spiritibus constare. Omnes aquae fortes & regiae, ut adpellant Chymici, ex variis  
salium speciebus, Vitriolo, Nitro, Armoniaco &c. parantur. Vnusquisque pun-  
ctionem salis sensibilem experitur, si incidet in partem aliquam epidermide nude-  
tam. Praeterea ratio mechanica huic experientiae adimplatur. Instrumentum  
aliquid scindens vel pungens debet constare ex materia praedura & acuta.  
Praedura dico, ut resistat: nam si sit sequax, flexilis & cedens, nihil efficies. Ideo  
cultur, ex chalybe, metallo duriſimo, confusus, melius scindit, quam aliis ex ferro,  
lapi de, aut ligno. Acuta quoque esse debet, ut penitret: quamvis enim materia  
sit durissima, nisi quoque sit acuta, operam ludis. Quum igitur aquae salinae,  
quae vulgo fortes dicuntur, ipsum etiam chalybem solvant & corrodant, ratio  
dicitur sane, illas constare ex salis particelle duris, rigidis, & summe acutis, quibus  
metalla corrodunt, & in milliones quasi atomos dividunt. Et autem acutiores  
evadunt salis particulae, quo saepius dissipantur aut sublimantur. Namque per  
calorem major motus particularum salinorum excitatur, quo se invicem adterunt,  
& levant, non aliter quam ad ceterum adulterii cultur acutior redditur. Quum  
igitur tal totiens in corpore humano cum sanguine circuletur, summum inde subtili-  
tatem & acrimoniae gradum adquirat neceſſe est. Vnde ex sale urinæ penitranſi-

ſumum

*sumum acutissimumque salarmoniacum Venetius &c; alibi conficitur. Ratione illa que experientia convincitur, ulcera illa Cheironia, Telephria, Phagedaena, cancro, fistulas, &c. à sale summe subtili & mordaci fieri. Ut vel inde pateat, pun-  
gencem & lancinante salis acrimoniam horum dolorum opificem esse.*

V I. Alteram dolorum articulatum causam fecimus dittensionem à seri influens copia. Quamvis enim ab illa sola tam atrox dolor nos possit ori-ri, quoniam partes jam ante à penitentis salis aculeis sunt sauciatae, idcirco, quam vel tantillum moventur aut distenduntur, dolor nimium quantum augetur. Sicut id quoque in partibus externis vulneratis accidere videmus, quae ad digitis leviter prementis contactum flatim dolorem percipiunt, quod illis sanis & integris non accideret. Quia & hoc seri distendentis culpam claro indicio prodit, quod dolor immittatur, quum circa partem dolentem tumor incipit, scilicet parte aliqua seri per tumoris ambitum dispersa.

V II. Subiectum doloris arthritici jam est definitum, quod nos nisi partibus circa articulos sensibilibus competit. Tales sunt membranae, quod vel pungens ille dolor arguit, quem membranis proprium faciunt schola. Non tamen ligamenta plane excludimus, illa scilicet, quae membranosa sunt: nam cartilagi-  
nosa sunt avia &c. Huc quoque pertinent nervi, tendines, & membranae mus-  
culorum ad ligamenta desinentium.

V III. Dolorem jam confecimus. (utinam cum Medicorum laude & aegrorum utilitate dicere licet: confecimus.) Itaque ad ipsas morbi causas indagandas  
egrotabuer, quas apte visum est diribere in internas, Continentem sc. &  
Asscedentem, & in externam, &c. &c.

I X. Causam morbi Continentem quod adtinet, ut eo certius in ejus cogni-  
tionem perveniamus, primo omnium conditiones, cause continentis in hoc morbo  
competentes, recensebimus. (1) Maxime fluida sit, necesse est. (2) Ex valis  
in articulos fluat. (3) Dolorem exquisitum acrimonia sua excitet. (4)  
Non subpuretur. (5) In tofos tractu temporis abeat. Haec conditiones om-  
nino in causa continentis adesse debent, quod patet tum ex morbi natura, tum ex  
jam dictis: & partim ex dicendis dispaleaset.

X. Quum autem una vel plures harum conditionum quatuor illius πολυθεν-  
τικis humoribus, vel seorsim vel conjunctim sumti, defint, illi missis necesse est ali-  
am quamdam causam quaerere, cui omnia enarrata requisita examini qua-  
drent. Serio autem illa quadrare cuivis leviter examinanti vel prima fronte adpa-  
rebit, nisi cui nimius Praeceptorum suorum fulgor & fulgor mentis aciem praef-  
strinxerit.

X I. Ut igitur veritas nostrae assertoris magis adpareat, videamus prius,  
quid in sero continetur. Serum, ut οφθαλμοφαρεως ex ejus anatomie patet, tres  
diversas substantias comprehendit. 1. Humorem aquosum, ex posu & cibis a-  
quosis genitum, & inde est ejus fluxilitas. 2. Salem, in humore aquoso solutum,  
& inde est ejus acrimonia. 3. Feces terrestres, una cum sale in humore illo a-

queo resolutas, & inde ejus ad coagulandum potentia. Quae duo posteriora una voce Tartarum appellantur, sicut unicum scri vocabulum omnia tria in se complebitur.

XII. Nunc igitur conditiones ante recensitas sero applicemus, quod vel citra pulveris jactum expeditum dabimus. (1.) Serum est maxime fluidum propter copiam aquae humoris. Quid sanguini fluorem concilia nisi seri pars aquosa, ut omnibus est in confessu? Et vagar Arthritidu causa, quae subito, hinc inde, modo sursum, modo seorsum, & ex quo modum fertur, nonne aperte indicat, illam non-nisi materie summe fluxili, & hic illuc versatili, qualis est serum, competere? Ita ut serum apte satis primum mobile, seu fluxile in corpore possit appellari. (2.) ex vasis quoque in articulos serum fluere constat, quoniam illis continetur. (3.) Dolorem arthriticum ab acrimonia ejus fieri, iam supra probavimus. (4.) Serum non subpuratur, quoniam pars ejus aqua continua corporis calore per transpiracionem insensibilem evaparat, parte tare remanente, quam subpuratio incapacem esse quis non videt? Ab hac parte salina & terrestri, seu tartarea est. (5.) Toface illa circa articulos coagulatio, ut nos docet Adozerecia quotidiana. Ex his ergo patet, serum esse continentem morbi causam.

XIII. Sed quoniam serum in articulos influere diximus, age ipsam fluxionem curatiu consideremus. In omni autem fluxionis motu expendenda sunt, Mobile & Movens, unaque duo termini à quo & ad quem, & tandem Viae, seu spaciū motus. Quoniam vero MOBILE, nimurum serum, sub hī cause continentū jam vidimus, ideo ipsum

XIV. MOVENS, seu causam fluxionis, excutiamus. Movens agit vel tractione vel pulsione. Traditioni heic nulla est evidentia. Quum autem pulsionis actio in animalibus maxime sit conspicua, ideo illam, ut omnis in animalibus, ita hujus quoque motus principium facimus. Sed unde ista seri in articulos pulsio? Non sane à corde, sic enim semper & omnes essent Arthritici, quia cor semper & in omnibus pellit. Vera hujus pulsionis causa est, meo quidem iudicio, aliorum tamē salvo, ebullitio & aestus insignis totius massæ sanguineae. Quandocumque enim illa propter servorum intus conceptum ebullit, fit partium spiritus sanguinis rarefactio & dilatatio: & quia propter illam, vasos contineri amplius impotens, major spacio requiret, neque tamen per obiecta vasorum latera crassi densaque, praesertim arteriarum, statim exire potest, ideo tamē per illorum spacia exaestuans decurrat, donec tandem locum inveniat per quem se exonerare possit, quem cum nascitā est, serum longe lateque despumans cum impetus quodam, qua data porta, ruit, & Δέ τας ζυμφερτάς χωρίας expellitur: quedam pars ejus per arterias mesentericas ad alvum, unde diarrhoe aquose: quedam per arterias emulgentes ad renes & receptacula urinaria defertur, unde urinæ copiosæ arthriticos insultus plerumque precedunt. Verum ne sic quidem sati faciunt est, nisi quoque in innocentes articulos impete factio inruat, qui maxime illius fuorem lucre coguntur, quoniam non habent locum, per quem hospitem admis- sum ejiciant, si ut renes per vesicam, & intestina per alvum: neque humor ille ulterior

ulterius ablegari potest, quoniam sunt partes plerumque extreme, in quas vasorum illuc decurrentium surculi desinunt. Hanc doctrinam illustrat fervor mysti, multo tartaro praegnantis, quod ebulliens nonnumquam ipsa, quibus continetur, vasorum dolia pertrumpit, et viam sibi vi facit, per quam tumidos illos & indigantes quasi spiritus exhalare possit.

XV. DE TERMINO A QVO ANXIE MAGIS quam vere à nonnullis disputatur. Hic à capite mali caput arcissit: à lince aliis: virtus ab hepate, &c. Suam cuique Helenam relinquo. Ego non alium Terminum à quo agnoscō, quam Vasa totius corporis, ut ex precedentibus patet. Quae etiam sunt VAE, per quas serum ad articulos moveatur. Potissimum tamen per arterias sit ille influxus: per illas enim sanguis cum sero ad habitum corporis pellitur: per venas autem ab externis partibus ad cor reddit, quod indicant valvulae illae venarum nuper inventae, quae versus cor sunt apertae, versus habitum corpori clausae, ne sanguis ad illum remeare possit.

XVI. TERMINUS AD QUEM sunt articuli. Sed ut hoc omnium consensu concentuque firmatum est, ita illud minime, in quem nempe locum articulorum depluat inimicus ille imber. Quidam in cavitatem articulorum illum inlabi putant: Alii illud circa ligamenta & tendines consistere pertinaciter adserunt. Hae duae sententiae, licet prima fronte adversis frontibus videatur concurrere, amico fungi possunt. Nam tenuis & fluxilis sibi aqua sese per ligamentorum sinuosos flexus facile in ipsa articulorum penitralia insinuare potest, sicut quoque semper aquam in articulorum cavitate ad facilorem motum referire est: feces vere ejus tartareae, ob crassitudinem ab aditu prohibitae, circa ligamenta & tendines consistere coguntur. Tofos enim coagulatos, non ex cavitate articulorum, sed potius circa illorum ligamenta & tendines eximi, experientia testis est.

XVII. Causa autem, quare despumans ille humor in articulos se effundat, ex conformatione illorum, non debilitate, quaerenda est. Massa sanguinea primum in corde, tamquam caloris officina, effervescente incipit, & ex illo in aortam arteriam prorumpit, & sic quaquaversum diditur. Quum autem ex majoribus vasis, neque per Arterias exsudare, neque per Arterias exire & exsilire posse, in minoria vasa effunduntur, & sic sensim ad externas partes, quales sunt articuli, pervenit, qui coguntur ingratum illum hospitem (hostem possum) exciperre, quoniam ultimae vasorum propagines in illos terminantur & desinunt, & quum notabilis ibi occurrat cavitas, humor effusus ibi haret, neque ulterius transmitti potest. In reliquis autem partibus externis, quamvis & in illas vasorum ramulis desinant, ideo non tamen hospitatur humor, quia non est ibi cavitas, sicut circa articulos, ideoque si effundatur, statim iterum in vasa revertitur. In pedum autem articulos ideo frequenter admodum intruit serum, quoniam, prater diuersas etiam causas, naturalem rationem ad partes inferas habet, ita ut plerumque etiam omnium articulorum in toto corpore rectificatur, hallucem, seu pollicem pedis, primum invadat.

XVIII. Postquam fluxionis requisita vidimus, restat, ut reliquias in causas

serum tractationem suscipiamus. Duplicem supra fecimus causam internam, Continentem unum, Antecedentem alteram. De Contidente jam egimus, ideo mentem & filium ad Antecedentem convertimus.

XIX. Antecedens morbi cuiuscausa est, quicquid ad adparatum seris in corpore redundantis facit. Serum autem redundant in corpore, vel quando nimis copiose generatur, vel non satie copiose evacuatur.

X X. Generatur serum, quoad aquam, ex cibis aquofisis & humidis: quoad tartarum, ex cibis multo sale & fecibus praditis. Inde patet, quod duplice noxam Arthritico vinum inferat, nam aquo humore, seri aquositatem: Tartaro suo (quod in aliis magis vel minus, pro soli ingenio, est copiosum) feces tartarea adauget. Ideo videmus, illis in locis, ubi vini proventus & potus frequens est, Podagram quasi endemicam esse: quae fere exsulat in locis Septentrionalibus, ubi vini nullus proventus, potus vero ejus non adeo frequens est, ita ut ex millenis vix unum Podagri adfigi videoas. Et damnum ejus ex remedio patet: nam produnt historiae, multos sola vini abstinentia ab Arthritide liberatos fuisse, quos selectum remediorum potentia curare non poterat.

X X I. Nou evanescatur serum, quando meatus & via, illi evanescendo dicata, subpressa sunt; ut quando transpiratio insensibilis est prohibita, nihil per suudores discutitur, praecipue ubi nihil vel parum seri per vias urinarias, tamquam maxime ordinarias, evanescatur: tunc enim tartarum illud laeto proventu in corpore succedit, quia neque in partium alimentum, ut sanguis, converti: neq; per articularum algavit, ut aquae seri pars, ob fixitatem discutit: neque alias ex vasibus, nisi aquosissimi vehiculo, educi potest. Inde tunc sensim fermentum sanguinis tartareum conflatur, quod postea plerosque cibos in sui naturam convertit. Huc facit adsiduum ocium, exercitiorum intermissione, subpressions haemorrhoidum, mensurorum, &c.

X X I I. Absolutis internis, externo Procatarratica superest. Hujus nomen meretur, quidquid a Phocis, sanguinus ebullitioni praebet. Ut sunt anni stata tempora, praecipue ver & autumnus: metus tum animi, ut ira, timor, &c. tum corporis, ut nimium exercitium, praecipue Venerium. ideoque Venus mater Podagras in vulgato disicho audit, quod exstat in Anthologia Graecorum Epigrammatum.

X X I I I. Haec nunc causarum fundamentis positis tale superstruimus definitionis aedificium.

Arthritis est dolor partium sensibilium circa articulos, per intervalla recurrens, à seri ex vasis adfluxu excitatus.

X X I V. Iam lege ordinaria ad signa & curationem transcendendum esset; verum quum signa etiam Tyronibus cognitu sint facilissima, Curatio autem vel ipsis Medicinae Veterani sit difficillima: nolamus in illis cartam, aut in hac operam perdere, ne utriusque ludibrium debeamus. Et heic esto